

30. Terrorismo sutinchata yanqhachasiña p'iqt'äwinaka chhaqtañapataki, Perú markana jaqinaka suma utjasinankapataki

Derechos humanos sutinchata kamachinaka chiqaparu ch'amanchañataki taqi kuna terrorismo yanqhachasiña p'iqt'äwinakawa chhaqtayasini, uka pachparakiwa, Perú marka pachana utjasirinakampi sumthapiwinakaruwa sartasiskakini, kunattixa wajcha q'uya kankañana jakaña jani jucha jakisisa ch'axwäwinakampikiwa jikxatasipa.

Uka jach'a amtäwi phuqaña laykuxa Estado taypita:

(a) Terrorismo sutinchata yanqhachasiña luräwinakaxa chhaqtayasiniwa, ukhama yanqhachiñanaku wayusiri mayachäwinaka p'iqt'irinakarusaka kamachinakarjama phuqasawa juchanchasirakini, ukanaka uñstipana mäkhikiwa ukhama lurañanaka armayasini, chiqanxa khitinakatixa uka kuka laphinakata pitaña yanqha yänaka jamasata lurañaruwa wayusipki jupanakaruwa armayasini.

(ch) Derechos Humanos sutinchata kamachinakarjama phuqasa Perú marka amtäwinakapa ukata Derecho Internacional kamachinakakampi mayachthapiñaru wayusisawa terrorismo yanqhachasiñanaka chhaqtayañataki kamachinakawa apsusini.

(h) Estado de Derecho sutinchata saranaka taypina jakäwinakawa ch'amanchasiskani, taqi jaqisa suma yäqasisa jakäwinaka tuqita yatichäwinaka sartayasa, jani jucha jakisa ukata jani ch'axwäwinakampi utjasa, purapata yäqasa jakasa ukata taqi markachirinakana arxatawinakapampi kuna suma utjasa.

(i) Uka terrorismo yanqhachasiñanakampi t'aqisita jaqinakaruwa suma mayampi jaqitatanakañapataki yanapt'äwinaka nayraru aptasiskarakini. (k) Uka terrorismo yanqhachasiwinakampi

q'uqita markanakarusa mayampi jaqinaka utjnuqayañanakataki
utanaka utachnuqäwinakampiwa yanapt'asiskarakini.

(l) Kuna luräwinakatixa uka terrorismo yanqhachasiñanakaru
yanapirjamächi ukaxa, uka luräwinakaxa qawayata chhaqtayasini.